



**COMUNU DE CERÀXIUS**  
(Provìntzia de Casteddu)

**OGETU: Serrada de is Scolas primàrias de bia Parigi e de bia Roma (Istitutu Comprensivu Ceràxiu 1)**

**Ordinàntzia n.29 de su 17/10/2020**

**SU SÌNDIGU**

**Arricia** in sa dii de oi sa noda de sa ATS Sardinnia n. prot. 244563, chi si fait sciri sa positividadi cunfrimada a su Covid 19 de n. 7 sugetus, de is calis n. 5 studiantis e n. 2 maistus, unus de issus chena sintonus, chi bandant a s'Istitutu Comprensivu Statali Ceràxiu 1, prus a craru is Scolas primàrias de bia Parigi e de bia Roma;

**Cunsiderau** chi, cumenti cumandau de su Dipartimentu de Prebènnida - servìtziu igiene e sanidadì pùblica cumpetenti in custu territòriu, cun sa tarea de amparai sa saludi pùblica, si fait arrechedi impreai medidas de prebènnida de genia primorosa po gherrai cuntra sa spratzinadura de s'apestamentu, cumandendi intzaras de serrai is scolas numenadas, de sa dii de lunis 19 de su Mes'e Ladàmini 2020 finsas a su 29 de su Mes'e Ladàmini 2020, abetendi is arresultaus de is scrucullus epidemiològicus chi si funt fendi imoi;

**Biu** su Decretu Legisladori 267 de su 18 de austu 2000 e in manera particolari s'art. 50 chi acrarat is tareas de su sìndigu po cussu chi pertocat a sa spratzinadura de provedimentus contingibilis e apretaus;

**CUMANDAT**

- 1) sa serrada de is Scolas primàrias de bia Parigi e bia Roma (Istitutu Comprensivu Ceràxiu 1), po is arresonis naradas in sa premissa, de sa dii de Lunis 19 de mes'e ladàmini 2020 finsas a su 29 de Mes'e Ladàmini 2020;**
- 1) sa sanificatzioni straordinaria de custus edifitzius scolàsticus numenaus;**

**DISPONIT**

- chi custu provedimentu bèngiat spratzinau deretu bia a su Dirigenti Scolàsticu de s'Istitutu Comprensivu in ogetu e a is Diretoris de Àrea 01, 04 e 07 po s'impreu de is cumpriduras de cumpetèntzia insoru;

- chi sighendi cussu chi est previdiu de s'art. 8 comma 3, de sa Lei n. 241 de su 7 de austu 1990 e ss.mm.ii., si providit a donai a custa ordinàntzia una spratzinadura manna imperendi comincaus de imprenta, publicatzioni in su giassu internet istituzionali e atras maneras de publicidadi cunsideradas profetasas.

### **DONAT ÀUTU**

chi est stètia comunicada deretu a su Prefetu de Casteddu e a sa ATS Sardìnnia;  
chi est deretu bàlida e est fata pùblica po mesu de sa apitzigadura in su Albu Pretòriu Comunali, in su giassu internet de su Comunu e cun is mesus de comunicatzioni e de imprenta;

### **INFORMAT**

chi cuntra de custu provedimentu est amìtiu puru, in alternativa, aintru de 30 diis su recursu a su Prefetu de Casteddu, aintru de 60 diis recursu a su Tribunali Aministrativu Regionali de Sardìnnia, aintru de 120 diis, recursu straordinàriu a su PResidenit de sa Repùblica.

Is trèminis scioberaus innoi cumintzant de sa dii de publicatzioni in su Albu Pretòriu de su Comunu de Ceràxius.

Ceràxius, 17 de su Mes'e Ladàmini 2020

Su Sindigu  
Pier Luigi Concu